



Yam Niam Thiab Txiv Yuavtsum Paub Txog Menyuam Uas Khiav Tawm Ntawm Tsev

What Parents Should Know About Runaways

Dabtsi thiaj xam tau tias tus menyuam khiav tawm ntawm tsev?

Ib tug menyuam yuav xam tau tias khiav tawm ntawm tsev yog nws tsis tau muaj 18 xyoo thiab tawm lub tsev uas tsis tau kev tso cai ntawm niam thiab txiv, TSHWJ TIAS tus menyuam:

- Muaj txwj nkawm lawm LOSSIS
- Muaj ntaub ntawv tswj ntawm tsev hais plaub los tias nws nyob nrug tsev tau.

Kuv ua tau licas yog tias kuv tus menyuam khiav lawm?

Koj muaj feem hu rau tub ceevxwm thiab ua ntaub ntawv txog tias menyuam ploj lawm. Cov tub ceevxwm yuav txiav txim kom ntxaws txog tias seb puas yuav nrhiav tus menyuam uas khiav tawm tsev lawm. Lawv yuav soj ntsuam tej yam xws li tus menyuam hnuv nyoog thiab seb nws txoj kev xav mus licas. Yog koj muab tau ib qhov chaw nyob uas tus menyuam mus nyob ntawd, cov tub ceevxwm yuav mus nrhiav tus menyuam ntawd.



Yog tub ceevxwm nrhiav tau kuv tus menyuam ces yuav ua licas tauj?

Tub ceevxwm mam li txiav txim tias yuav ua licas. Tejzaum tub ceevxwm kuj yuav muab daim pib rau tus menyuam khiav tawm tsev (kuj hu ua “pib nplua”). Lossis tejzaum tub ceevxwm kuj yuav hais lus ceebtoom rau tus menyuam. Tub ceevxwm kuj muajfeem txiav txim seb puas koj tus menyuam los tsev, lossis mus chaw nkaum “shelter”, lossis cia tus menyuam nyob twjywm qhov chaw ntawd.

Kuv tus menyuam puas yuavtsum mus nram tsev hais plaub yog tias nws tau daim pib nplua kev khiav tawm tsev?


Yog niam thiab txiv nug kom tsev hais plaub tshem tawm daim pib khiav tawm tsev, ces tejzaum tus menyuam yuav tsis tau mus nram tsev hais plaub. Yog daim pib tsis muaj kev tshem tawm, tus menyuam thiab leej niam txiv yuav tau mus nram tsev hais plaub.

Dabtsi tshwmsim hauv tsev hais plaub?

Cov txheej txheem txawv nroog rau nroog. Yog tias rooj plaub ntawd mus txog nram tsev hais plaub, muaj feem yuav muaj ob peb rooj plaub hais. Tsev hais plaub yuav mloog cov lus ntawm tub ceevxwm, tus kws lijchoj sawv cev lub nroog, thiab mloog tus menyuam thiab tsev neeg. Tsev hais plaub mam li txiav txim seb tus menyuam puas yog neeg khiav tawm tsev tiag, thiab seb cov kev pab zoo lics thiab zoo rau tus menyuam thiab tsev neeg. Tejzaum yuav muaj lwm cov kauj ruam ntxiv yog tus menyuam yog ib tug tswv cuab lossis muaj feem los ua tau tswv cuab ntawm ib pab neeg qhab uas tsoomfwv tebchaws lees paub. Saib peb daim ntawv tseeb [Your Rights Under the Indian Child Welfare Act.](#)

Tus kws txiav txim plaub txiav txim tau li cas?

- Tus kws txiav txim plaub muaj feem pom tias tus menyuam “yuav tsum tau kev tiv thaiv lossis kev pab cuam.” Qhov no hu ua rooj plaub “CHIPS.”
- Tus kws txiav txim plaub muaj feem hais kom tus menyuam thiab niam txiv mus ntsib kev pab cuam. Kev pab cuam tej zaum yog niam qhuav txiv qhuav, ib leeg lossis tsev neeg mus nrog tus kws nyuaj siab tham, kawm ua niam ua txiv zoo, lossis txiav yeej tshuaj thiab dej cawv. Txawm hais tias tus kws txiav txim plaub tsis kom mus nrhiav kev pab cuam, los cov tsev neeg txaus siab mus lawv tus kheej los tau.
- Tus kws txiav txim plaub hais kom tus menyuam nyob hauv tsev.
- Tus kws txiav txim plaub hais kom tus menyuam them ib qho nqi nplua lossis ua haujlwm pub dawb rau zej zog.



Tsev hais plaub kev cuam tshuam muaj feem yuav pab tau tej thaum, tiamsis tsis txhais tias yuav daws tag koj qhov teebmeem.

Kuv puas yuavtsum ntiav kws lijchoj?

Yog koj khwv nyiaj tsis tau ntau, lub nroog **yuav** taw ib tug kws lijchoj dawb los sawv cev rau koj lossis koj tus menyuam. Nyob rau txhua rooj plaub, koj thiab koj tus menyuam muaj cai ntiav kws lijchoj rau neb tus kheej, yog koj xav tias koj xav tau ib tug.

Yog lwm tus neeg coj kuv tus menyuam mus uas tsis tau kev tso cai ntawm kuv ne?

Tus neeg ntawd muaj feem yog ib tug “zais neeg khiav tawm tsev.” Nws yog kev txhaum cai thaiv leej niam txiv txoj kev rau lawv tus menyuam. Tus neeg ntawd muaj feem raug txim tias tau pab kev ua txhaum ntawm ib tug menyuam tsis tau muaj 18 xyoo. Tub ceevxwm feem ntau yeej tsis muab lub txim “zais neeg” tshwj tias ho muaj lwm yam txhaum cai cuam tshuam nrog.

Ua ib leej niam txiv, kuv yuav ua tau dabtsi pab kuv tus menyuam thiab tsev neeg?

- **Mus koj tus menyuam txhua rooj plaub hauv tsev hais plaub thiab** nug txog yam koj tsis to taub.
- **Sau cov npe thiab xovtooj cia ntawm txhua leej** uas cuam tshuam nrog rau koj tus menyuam rooj plaub – pivtxwv, cov khiav ntaub ntawv saib xyuas nws, cov khiav ntaub ntawv tiv thaiv menyuam, thiab lawv cov nais haujlwm.

- **Yog koj xav tias koj tus menyuam yuav rov qab khiav dua, sim npaj tswvyim** kom muaj chaw nyabxeeb uas nws khiav tau mus rau. Tejzaum koj yuav xav cia koj tus menyuam mus nyob nrog ib tug txheeb ze ib ntus. Cia lawv nws paub tias qhov no yog ib txoj kev ua tau. Lwm txoj kev xaiv yog taug qab seb puas muaj chaw nkaum rau cov menyuam uas khiav tawm tsev nyob koj lub nroog. Tejzaum koj tus menyuam muaj feem mus nyob tau ntawd ib ntus.



- **Siv cov kev pab uas muaj nyob rau thajtsam uas koj nyob.**
Tejzaum koj thiab koj tus menyuam muaj feem tau txais kev pabcuam los hauv lub zos. Qhov no yog tej yam xwl li:
 - tham nrog cov kws qhia txog yeej tshuaj lossis haus dej cawv
 - ib leeg lossis tsev neeg mus nrog kws nyuaj siab tham
 - kawm txog ua niam txiv zoo
 - them zov menyuam
 - kev pab cuam txog nyuaj siab/puas siab ntsws

Cov kev pabcuam no txawv ib lub nroog mus rau ib lub nroog. Mus nrhiav kev pabcuam rau koj thajtsam hu rau 2-1-1 hauv thoob lub xeev. Koj muaj feem ntaus koj tug zauv xaus ntawm koj qhov chaw nyob “zip code” mus rau tus xovtooj 898-211 kom tau cov kev pab hauv zos lossis tham tau hauv online ntawm <https://www.211unitedway.org/about-211/hmong/>.

“Leej niam txiv” yog lo lus siv hauv daim ntawv no los txhais tias niam thiab txiv, tus neeg muaj cai saib xyuas lossis tus neeg muaj cai tu menyuam.

Cov ntawv Qhia Tseeb yog qhia kom paub txoj kevcai xwb TSIS yog muab txwv yim txog txoj kevcai. Mus ntsib ib tug kws lij choj rau tswv yim. Tsis txhob siv daim ntawv qhia tseeb yog tias nws qub tshaj ib xyoo lawm. Nug peb txog cov hloov tshiab, daim ntawv qhia txog cov ntawv qhia tseeb, lossis lwm hom ntawv.

© 2026 Minnesota Legal Services Coalition. Luam tau daim ntawv no los siv rau tus kheej tsis ua lag luam thiab qhia kom paub xwb. Tagnrho lwm cov cai ceev tseg. Qhov lus sau no yuav tsum nyob rau txhua daim ntawv. Txwv tsis pub muab luam, faib, thiab siv ua lag luam.